

Odluka o izmjeni i dopuni liste opojnih droga

Agencija za lijekove i medicinska sredstva Bosne i Hercegovine (ALMBiH) je, provodeći i poštujući odredbe Zakona o lijekovima i medicinskim sredstvima („Službeni glasnik BiH, br. 58/08“), Zakona o sprečavanju i suzbijanju zloupotrebe opojnih droga („Sl. glasnik BiH“, br. 08/06) i međunarodnih konvencija vezanih za predmetno, a čiji je potpisnik i Bosna i Hercegovina, pokrenula postupak za izmjenu Odluke o izmjeni i dopuni liste opojnih droga.

Navedenom odlukom definisano je prebacivanje droge konoplja (*Canabis sativa L*), njene smole, ekstrakti i tinkture iz Tabele I – Zabranjene supstance i biljke u Tabelu II – Supstance i biljke pod strogom kontrolom, a u cilju omogućavanja dostupnosti lijekova koji sadrže konoplju (*Canabis sativa L*), njene smole, ekstrakti i tinkture pacijentima u Bosni i Hercegovini, u skladu sa zakonskim ograničenjima.

Trenutno se u Bosni i Hercegovini, konoplja (*Canabis sativa L*), njene smole, ekstrakti i tinkture, nalaze na Tabeli I: **Zabranjene** supstance i biljke, pod tačkom 1. Liste opojnih droga, što podrazumijeva da se konoplja, njene smole, ekstrakti i tinkture, te preparati, uključujući lijekove koji sadrže predmetne supstance, ne mogu prometovati u Bosni i Hercegovini.

Nakon postupanja nadležnih institucija predmetna odluka biće dostavljena na usvajanje Savjetu ministara Bosne i Hercegovine.